

天一閣藏明代方志選刊續編



隆慶長洲縣志（江蘇）  
萬曆丹徒縣志（江蘇）

天一閣藏明代方志選刊續編  
三三

上海書店

長洲縣志序

吳自泰伯建國至秦郡縣其地唐高祖武德之季始分吳之東偏置長洲縣畫境而治曰長吳云入

國朝俱為蘇州壯縣其事蹟畧具郡志中而迄未有專書非一年所矣

先皇帝憲古中興誕敷文教於是濮陽蘇侯祐至以儒術飾吏治始作吳邑志於嘉靖之初紀又四十年

今上嗣極詔令一新浮梁張侯至殫心政教百

墜具興乃作長洲縣志屬其筆於皇甫諸君子  
不閱月而告成嗚呼無寧鉅典之闕必待其時  
其人哉居無何侯稍遷尚書司寇郎業且行乃  
授簡不佞題其事仁非其人也顧私竊念余故  
東倉產也乃今占數長洲且五紀矣而辛壬起  
家又自縣籍始焉一代盛典幸獲玷名其末安  
敢以不文辭乃僭為之序曰國有史邑有志志  
史之遺也其制昉於禹貢之水土周職方之圖  
籍皆所以奠民生而維治運也自秦罷侯置守  
史職盡廢即王朝紀錄率多文具孟子歷聘陳

王制而深慨諸侯之去籍蕭何佐漢收秦籍而具知民所之疾苦非有見於是與長洲自邑治肇立歷有千祀故無紀述今志成而是邑建置沿革封域山川戶口物產吏治人才類次條分燦若指掌昭曠典於盛際垂文憲於方來今昔治教莫茲為要余獨懼夫生齒田賦代有盈縮溝洫隄防歲易岸谷萬一紀載失真而吏治罔核即志亦文具焉耳矣何以杜欺謾而資典刑哉夫吳自周武之後孫氏鼎國典午渡江而人材魁倬井賦並東東南都會首稱江表既後吳

越竊據南宋偏 侈靡獻納歲費不貲而長洲

井賦首冠諸邑維昔王令元之遺愛茲邦繪像  
去思音徽未沫其記縣壁亦曰其土汙瀦田賦  
且重歲一不稔鞭楚盈庭不能輯事而况

國朝戶稅十倍宋時永樂以後西北歲漕咸茲  
取給而長洲常什三其間焉比歲平則均稅而  
積荒不科隱戶剩田已非初額一時租調滋甚  
他邑即元之再出歲奉簡書督責取盈日亦不  
足遑及縣志乎乃侯下車平易布素不眩赫赫  
朞月之間政成課最邑里晏如且又聿新黌序

風動四域簿牘之暇鴻生鉅儒每晝日晉接稽  
古讎文至於水利農田尤疊疊諮詢若已饑溺  
其作志初心寧在文具哉孔子曰文武之政布  
在方策其人存則其政舉不無有望後之君子  
云侯名德夫別號梅潭江西饒郡人乙丑進士  
皇甫諸君子俱邑人其名銜列左方茲不書時  
在隆慶五年秋七月既望

賜進士第大中大夫太僕寺卿前禮科給事中  
郡人顧存仁謹序

得入爵秩之籍

顯進士榮大中大夫太尉寺卿前縣令論事  
拜劉勳王平妹女且封聖

星甫論天子則邑入其本爵何式女後不書

云封子勳天限封爵戰西翰得入丁正士

拜太象其人存限其知舉不無亦望終之


其於志亦以學在文具為序子曰文苑之

古稱文至於水陸農田之盛盛者皆其


長洲縣志序


則文則文則文則文則文則文則文則文

















長洲縣志始

藝家者言志猶史也史猶志也然而爲體不同也馬遷之著八書班固之纂十志其事覈其辭文章昭所謂人文經緯帝政紘維創藏山之秘寶肇刊石之遐貫者也

明典肆我

高皇帝奄有華夏始大一統收圖籍於秦餘列職方於周載洪武三年命儒士魏俊民等編類天下郡縣地里形勢降附始末永樂十六年復遣官分行天下採摭事實志聿興焉逮

我

英宗簡命儒臣因舊加增名曰大明一統志於  
休盛哉繼而兩畿十三省各輯通志郡有郡  
志州有州志雖荒陬僻邑靡不紀載者東南  
之域吳郡爲最志更范成大盧熊王鏊三公  
之手吳邑則出自楊公循吉一人長洲闕焉  
靡聞豈良吏間有而文吏蓋鮮耶要之從事  
於簿書期會緣法飭治譽逮宦成遷召去矣  
事之無徵我則不暇也若夫博物通方紀之  
私乘者未嘗求之勿謂邑無其人焉不有欲



言夏殷遺憾祀宋者乎

今上嗣極海宇又安天下守令咸裕厥職于是  
乎稽古禮文迺若吾邑

江右張公下車踰稔百墜修舉政必務實善  
罔近名念茲首邑可無紀言移檄鄉校疇咨  
父老稅駕于蘅華束帛於筐篚揖讓賓階次  
第授簡迺進司勳氏皇甫沆柱下史劉鳳鄉  
進士張鳳翼太學生姚彬張獻翼杜大中邑  
庠生歸大賓周時復吳城陸經隱君徐縉黃  
姬水周天球相與探索緹緗周旋鉛槧迺昉